

Član 14.

(Čuvanje prijava i podataka)

Prijave, predmeti, kao i sva dokumentacija u vezi sa prijavom se čuva u zaključanom ormaru u kancelariji ovlaštenog lica, kojem pristup ima samo ovlašteno lice.

III - PRELAZNE I ZAVRŠNE ODREDBE

Član 15.

(Obaveze Direktora)

- (1) Direktor će osigurati uslove za blagovremeno i nesmetano provođenje svih mjera i aktivnosti u vezi sa primjenom ovog pravilnika.
- (2) Pravilnik će biti dostavljen svim državnim službenicima i namještenicima Zavoda, po njegovom stupanju na snagu.

Član 16.

(Stupanje na snagu Pravilnika)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2023. godine.

Broj 28-01-02-249/2022

27. oktobra 2022. godine
Sarajevo

Direktor

Velija Nuhanović, s. r.

(SI-1794/22-K)

ISPRAVKE

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13, 47/13, 47/15, 48/16, 9/20, 14/20, 16/22 i 17/22 - Ispravka), sekretar Skupštine Kantona Sarajevo, nakon podnesenog prijedloga za ispravku štamparske greške, te sravnjivanja sa izvornikom, u Zakonu o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22 i 17/22 - Ispravka), daje slijedeću

ISPRAVKU**ZAKONA O PREVENCICIJI I SUZBIJANJU KORUPCIJE
U KANTONU SARAJEVO ("SLUŽBENE NOVINE
KANTONA SARAJEVO", BROJ 35/22 I 17/22 -
ISPRAVKA)**

1. U članu 2. tačka c) alineja 4) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22 i 44/22 - Ispravka), interpunkcijski znak tačka zamjenjuje se interpunkcijskim znakom zarez, te se dodaje tekst koji glasi: "izuzev državnih službenika i namještenika."
2. Ova ispravka se objavljuje u "Službenim novinama Kantona Sarajevo".

Broj 01-02-33069-2/22
28. decembra 2022. godine
SarajevoSekretar Skupštine
Kantona Sarajevo
Aida Zeković, s. r.**SLUŽBENE OBJAVE****UDRUŽENJA / FONDACIJE**

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a

po zahtjevu Udruženja za promociju kulture - "Intermezzo", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje za promociju kulture - "Intermezzo", skraćeni naziv je U. - "Intermezzo", sa sjedištem u Sarajevo, ulica Mejtaš broj 3 pod registarskim brojem 2635, knjiga VII registra udruženja, dana 28.11.2022. godine.
2. Ciljevi i djelatnosti Udruženja su: Afirmacija, promocija i unapređenje kulture i umjetnosti, prvenstveno kroz teatar i film u Kantonu Sarajevo; zalaže se za oživljavanje, promoviranje i čuvanje tradicija i običaja u Kantonu Sarajevo; zalaže se za promociju i priznanje bosanskohercegovačke kulturne scene u svijetu i u tom smislu surađuje sa srodnim udruženjima i kulturnim ustanovama u Bosni i Hercegovini i izvan nje; potiče slobodu i kvalitetu pozorišnog i filmskog stvaralaštva; štampanje promotivnih materijala, zalaže se i omogućuje organizovanje raznih oblika kulturnih prezentacija kroz predstave, koncerte, festivale, radionice; organizira izložbe u cilju promocije kulturnih potencijala u Kantonu Sarajevo; zalaže se da promovira i organizira individualne i grupne edukacije iz oblasti teatra, filma i javnog nastupa; zalaže se i organizira pozorišne predstave u svrhu promocije kulture i kulturnog turizma u Kantonu Sarajevo; zalaže se i organizira kulturne prezentacije u cilju predstavljanja perioda agresije na grad Sarajevo; saradnja sa srodnim domaćim i stranim organizacijama; zalaže se i organizira digitalne prezentacije o kulturi; organizacija workshopova iz različitih teatarskih i filmskih oblasti; zalaže se i organizira prezentaciju kulturnih potencijala Kantona Sarajevo u drugim zemljama; afirmacija novih kulturnih prostora u cilju prezentacije kulturnih potencijala Kantona Sarajevo; učestvovanje u javnim raspravama, tribinama i slično; organizacija edukacija u svrhu njegovanja kulturno-umjetničke baštine BiH i organizacija koncerata u svrhu promocije međureligijske saradnje svih naroda u Bosni i Hercegovini.
3. Osoba ovlaštena za zastupanje i predstavljanje je: Damir Fazlagić - predsjednik Udruženja.
4. Udruženje za promociju kulture - "Intermezzo", dužno je Ministarstvu pravde i uprave Kantona Sarajevo prijaviti promjene statuta, naziva, sjedišta, ciljeva i djelatnosti, lica ovlaštenog za zastupanje i predstavljanje, članova organa upravljanja, pripajanje, razdvajanje ili transformaciju, te prestanak rada u roku od 30 dana od dana izvršenih promjena.
5. Za izdavanje ovog rješenja Udruženje za promociju kulture - "Intermezzo" uplatilo je iznos od 100,00 KM takse i 100,00 KM naknade za upis u Registar udruženja, na žiro račun broj 141 196 53200084 75.

Broj 03-03-04-14971/22
28. novembra 2022. godine
Sarajevo

Ministrica
Darja Softić Kadenić, s. r.
(O-1013/22)